

Jalan raya tenggelam



Hujan lebat mengakibatkan air naik di beberapa kawasan.

SELAYANG - Hujan lebat malam kelmarin menyebabkan Jalan 62 Selayang Sejati, di sini, dinaiki air sehingga 0.4 meter akibat limpahan dari Sungai Udang.

Pengerusi Jawatankuasa Kemajuan dan Keselamatan Kampung (JKKK) Selayang Baru, Jumari Talib berkata, hujan berterusan hampir 2 jam bermula jam 10 malam.

Menurutnya, air mulai melimpah ke jalan serta ru-

“Tindakan penduduk memasang tembok untuk mengelakkan air masuk ke rumah dapat mengurangkan kerugian yang ditanggung.” - Jumari

mah penduduk kira-kira setengah jam kemudian.

Katanya, tindakan penduduk memasang tembok untuk mengelakkan air masuk ke rumah dapat mengurangkan kerugian yang ditanggung.

“Itulah situasi setiap kali

hujan, namun banjir kilat tidak lama dan air mulai surut beberapa minit kemudian. Insiden tidak melibatkan kerugian besar.

“Beberapa kawasan lain turut dinaiki air antaranya Jalan 29,30,32 dan 49,” katanya.